

【大曼陀羅】（科註第六三〇頁第三行）

《佛學次第統編》「四曼」（節錄）：

曼荼羅，新舊之譯，有種種：舊譯多曰壇，又云道場；新譯多曰輪圓具足，又云聚集。此中就體而言，以壇或道場為正意。就意而言，以輪圓具足或聚集為本意。

大曼荼羅，總集諸尊之壇場，及其諸尊之形體，并圖畫其壇場之全體，及諸尊一一者是也。是為曼荼羅之總體，故云大。大者五大之義，又廣大之義，他三種雖亦係五大所成，而此為總體，且最廣大，故獨名為大。（五大，地水火風空）

【一切三達無量光佛……智力三明超日月光佛】（科

註第六三〇頁第三行）

《九品往生阿彌陀三摩地集陀羅尼經》：是名曰九品淨識真如境。是內坐十二大曼陀羅大圓鏡智寶像。其名曰：

一切三達無量光佛。遍覺三明無邊光佛。智道三明無礙光佛。六真理智三明無對光佛。色善三明光炎王光佛。一覺三明清淨光佛。普門三明歡喜光佛。入慧三明智慧光佛。光色三明不斷光佛。明達三明難思光佛。五德三明無稱光佛。智力三明超日月光佛。

如是諸佛如來是真色具足。一切三世如來悲相所依。若有眾生欲往生如是九品淨土。奉視十二圓妙。日夜三時稱如是九品淨土名。讚十二光佛號。即永出三界火宅。定生真如。